



In mercui ai 02.03.2011 é gnü sughé la secunda amichevole de calcio por la squadra da La Val. Le campo ne é nia sté cis praticabile, üna na porta á messe gní spostada por evité de sughé sön la dlacia, che pudô ester dër prigorosa. L'amichevole é gnüda sugada cuntra Neustift, squadra che süga ince te 3. categoria te en ater girone. Dô le prüm tēmp stera 1 a 0 por Neustift che á fat le goal al 25°. La Val é stada buna da stlù jö la partida cun en pareggio 1 a 1, le goal é gnü fat da Rubatscher Florian ala fin dl secundo tēmp. La proscima amichevole sará ai 05.03.2011 dales 15:00 cuntra Franky Boys (Freizeit da Pfalzen).